



Broj: 07-06-04-24618-110/23  
Sarajevo, 10.10.2023. godine

**SKUPŠTINA KANTONA SARAJEVO**  
**SLUŽBA ZA SKUPŠTINSKE POSLOVE**  
**-ovdje-**

**PREDMET:** Odgovor na zastupničku inicijativu

Zastupnica Sanela Klarić je dana 11.09.2023 godine uputila zastupničku inicijativu koja glasi:

*„Poštovani, na osnovu člana 213. Poslovnika Skupštine Kantona Sarajevo („Službene novine Kantona Sarajevo”, broj 41/12 – Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Ministarstvu privrede Kantona Sarajevo upućujem zastupničku inicijativu za organizaciju sastanka sa direktnim zainteresovanim stranama Zavod za javno zdravstvo Kantona Sarajevo, Inspektorat sanitarne, zdravstvene i farmaceutske inspekcije i inspekcije za hranu i Veterinarske stanice Kantona Sarajevo na kojem bismo dogovorili daljnje aktivnosti na organizovanju detaljne kontrole i edukacije načina provođenja hemijskih mjera (upotreba rodenticida) koje se provode sa ciljem sprečavanja ulaženja, zadržavanja, razmnožavanja i smanjenja populacije štetnih glodavaca na površinama, prostorima ili objektima, sa ciljem zaštite kako ljudi i drugih životinja.”*

**Odgovor Ministarstva privrede glasi:**

Vežano za zastupničku inicijativu gđe. Sanele Klarić, za organizaciju sastanka sa direktnim zainteresovanim stranama Zavod za javno zdravstvo Kantona Sarajevo, Inspektorat sanitarne, zdravstvene i farmaceutske inspekcije i inspekcije za hranu i Veterinarska stanica Kantona Sarajevo na kojem bi se dogovorile daljnje aktivnosti na organizovanju detaljne kontrole i edukacije načina provođenja hemijskih mjera (upotreba rodenticida) koje se provode sa ciljem sprječavanja ulaženja, zadržavanja, razmnožavanja i smanjenja populacije štetnih glodavaca na površinama, prostorima ili objektima, sa ciljem zaštite kako ljudi i drugih životinja, obavještavamo Vas o sljedećem:

Članom 5. Zakona o zaštiti stanovništva od zaraznih bolesti (“Službene novine Federacije BiH”, br. 29/05) propisano je da “Mjere za sprečavanje i suzbijanje zaraznih bolesti koje se mogu

prenijeti sa životinja na ljude **provode zdravstvene ustanove i nosioci privatne prakse u saradnji sa organima nadležnim za poslove veterinarstva i veterinarskim stanicama**, a sastoje se u uzajamnom obavještanju o pojavi i kretanju tih bolesti i organiziranju i provođenju epidemioloških, higijenskih i drugih mjera za sprečavanje, odnosno suzbijanje pojedinih zaraznih bolesti”.

Članom 9. istog zakona propisano je “Opće i posebne mjere iz stava 1. ovog člana provode se u skladu sa programima koje donosi federalni ministar odnosno nadležni kantonalni ministar na prijedlog stručnog savjetodavnog tijela iz člana 64. ovog Zakona, Federalnog zavoda odnosno kantonalnih zavoda koji imaju obavezu da prate i ispituju epidemiološku situaciju u pogledu zaraznih bolesti u skladu sa zakonom, prihvaćenim međunarodnim sporazumima i programima Svjetske zdravstvene organizacije.

Programi iz stava 2. moraju sadržavati mjere za sprečavanje i suzbijanje zaraznih bolesti, njihove izvršioce, rokove implementacije i izvore sredstava za njihovu provedbu.”

Pojam “kantonalni ministar” je definisan članom 6. istog zakona a to je kantonalni ministar zdravstva.

**U vezi naprijed navedenog smatramo da je Ministarstvo zdravstva Kantona Sarajevo nadležno za provođenje mjera sprečavanja i suzbijanja zaraznih bolesti.**

**Ministarstvo privrede Kantona Sarajevo podržava inicijativu zastupnice Sanele Klarić i stoji na raspolaganju za svaki vid saradnje, kao što je definisano u članu 5. navedenog zakona.**



Dostaviti:

1. Naslovu,
2. Vladi Kantona Sarajevo,
3. Evidenciji,
4. a/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)

2/2